

四庫全書

史部

欽定四庫全書

史部

欽定八旬萬壽盛典卷一百二
三

詳校官通政司經歷臣郭祚熾

欽定四庫全書

八旬萬壽盛典卷一百一

歌頌

二十二

萬壽恭擬說

壽一首

謹序

順天府府尹

臣

吳省欽

歲上章奄茂壯月日十有三恭遇我

皇上萬壽八旬之紀紀年則乾隆五十五年也易繫辭

曰天數二十有五地數三十今

聖壽紀十則紀年當五紀年當十則

聖壽紀五前紀年四十五合九五之數為

皇上七旬萬壽茲紀年五十五為天地初合之數禾一

孰曰年年从禾从千千生萬萬生億億生兆兆生

京京生秭故曰萬億及姊凡天地之訖合統於人

人皇歲四萬五千六百較天地皇三倍之古人臣

之頌君曰天子萬年曰天子萬壽曰萬有千歲壽

卽年也歲也自萬而贏非自萬而圍也

皇上日強莊敬自丙辰前未

御九五與紀年九五以前

聖神文武之德若業館臣恭纂

萬壽盛典例不備載而臣日在壽載戴天而不知天之

何以高明與悠久謹竭愚陋繹洪範嚮福始壽之

義謨說壽一篇拜手稽首獻焉其辭曰

福者天所以嚮勸也福莫先於壽壽久也年齒也

一曰疇也壽之得養之得也養非有他也和順于道德而理於義也神仙之訣服食之術無憂患思慮之惜泊然無為聖者弗尚也祈天永命所其無逸也則何以曰仁者靜仁者壽也曰智仁一也仁者無不知知故動動故樂也樂莫樂于壽也知仁互宅動靜互根言動靜猶言中和言樂壽猶言位育也位者天地之壽育者萬物之壽也萬物之壽萬物之福之大者也我

皇上念之歛之錫之也讜者筵者三千叟抱元孫者二
百有餘戶集試而首以皓也從耕而背以鮐也四
男一乳雙穗一苗蜨以冬相象以旬馴莫非育也
何莫非壽也四方正供普蠲再三費也惠也金粟
億萬萬計也偏災振貸無歲無之

豫游所經減租賦又不貲也福之富亞于壽維

一人之富散之以馭天下之富故天下之壽聚之以獻
一人之壽也壽靜體也靜可樂動亦樂也樂本和和本

中中者天地之心也天地無心

聖人之心乃其心時雨時暘時燠時寒時風位在天地者也肅又哲謀聖位在

耄念者也耄通老旄髦期倦于勤非舜之言偽古文尚書之言也書言來備庶用徵

皇用建也五緯之汁七政之不忒海之委淮與河之原自然而位非自然而位也由山川鬼神等而上之至

兩郊之大祀靡誠弗應靡敬弗格也格之必佑之佑之必壽之孔子于舜之大德以壽賅位祿名之全此其義也舜德在大孝我

皇上覲揚

前光啟迪後緒舉衣冠服御及舉錯張弛之道時對越也
是

宗廟饗也舉語言文字及敬信節愛之道時訓行也是子孫保也舜之大知在用中我

皇上舉從衡懸準平繩直若河湟逆回先後伏誅與夫
海臺之者定黎交之深入也猶是平準回平促浸
趙拉之烈也中之發諸怒者然也元日布告中外
篤慶與夫葺勝朝之陵廟封遠蕃之嫡胄也猶是
卹渥巴錫之歸順嘉班禪額爾德尼之嚮慕也中
之發諸喜者然也發動也未發靜也靜仁之體也
中象也不中則不和不中和則不位育位育者

天所以疇

皇上也中和者

皇上至誠無息之所以格

天也不息則久久即壽也壽世者文

御文自二集以溯初集也

御詩自五集以溯初集也六詩之補四詩之譜十鼓之
摹則述而作也壽考者作人正科

思科自己酉以溯丙辰也諸科自

行在擢選詩賦以溯經學之舉博學鴻詞之試也三館

以輯四庫以成七閣以建則巍而煥也而

皇上淵然不自以為壽也惟日孜孜五十五年一日也
即萬年一日也而下訢然頌得

壽也衆人熙熙百千萬人一心也即百千萬心心

一人也烏芾之集也外諸侯以其職來貢也其他喁喁

雁使若朝鮮暹羅南掌東由塞西南由徼也頂經

巴勒布也遣孫布魯特也宅南小邦之長蛾伏闕

廷願附陪隸古史策見未有也立壇者誦經也撤

幕者張樂也化城涌于綺陌寶炬燭於碧霄也華封人之祝幽七月詩人之稱觥皆稱壽也至今日而稱

天壽也壽本作𣪠从老省𣪠聲𣪠亦作𣪠𣪠書疇咨若時疇咨若予采是也其作畹則田之耕治者也書九疇謂龜文象田疇錯落也其从𣪠書疇若予工疇若予上下草木鳥獸是也誰也書言疇者三一聲三義言壽者再聲義一也爾雅壽星角亢也數

起角亢是曰壽也軫十二度至氐四度皆壽星次也然未足以語我

皇上之壽也與天同用蓋與天同體也雲霞日月天之用日新而天體今猶昔也禮樂政刑

聖之用日新而

聖體今猶昔也體主靜用主動動知也靜仁也乾之象曰天行健君子以自強不息君謂君臨天下子謂子愛萬民也八徵

念民廼申以五福之嚮

壽也以壽嚮勸是謂疇也是謂久也是謂中和是謂位

育是謂

仁壽之統會夫知樂也

萬壽恭擬

八徵頌五章

謹序

詹事府少詹事 臣 平恕

臣 聞戴鈐懷斗之聖疊疊穆穆面稽天若天錫大

法以綱紀九有青紫九陽荒邈之所除靡不內拱
八風循通六府三事允治顧稷扈之間其繼躅者
已粵自方牙窮蹟盛水錄符伊耆沉辭而赤文升
媯帝披圖而榮光起莫不題期立象適洛鉤河隄
其法而叙其類執其契而寶其真枋泰始成鳩之
道策天命以治天下故天報眉壽遠者億齡我

皇上紹天闡繹勤恁民依經緯萬端燾覆六幕

御極之五十四年跡赤鈴翼皇象選玉為

爾雅曰徵召也曰肅曰乂曰哲曰謀曰聖五事既
修即建用皇極之實所以和五行厚八政叶五紀
艾三德地大同廣敷錫也然則

至誠無息之徵徵在是已肅者持事振敬也

皇上昭事明察節登降之綍壹是

對越釐乘陽之義以定

上辛重龍見之

雩以祈膏雨

廟左

社右祇奉有恪餘功令遣祭者猶

親詣行禮至二十餘次比復下

詔凡中祀

親祭一週抱蜀不言有孚顯若在廟之肅也

申戒得之義

作知過之論履衆美而不矜懷

聖明而若歎席

景貺而夕惕，內心之肅也。奉三無私，阿柄在握，天下莫不竦身戴聽，以稱

德音，紀綱之肅也。又治也。

皇上循機提象於

九重之上，而從欲風動於四海之外，軼親族之典，邁行

葦之隆。

錫爵命名，肆筵大賚。

世繇十一人，逾二千敦睦之治也。

批閱章牘引對庶僚廉法必飭賞罰必當董正之治也
時邁四巡以省以助免天下正供者四漕糶者再因事
貸蠲動以億計民穀之數晴雨之宜收穫之多寡
市糴之貴賤

命大吏隨時上列兆豐則有喜少稽則馳詢焉仁民之
治也若乃議禮制度考文定樂

國學建

辟雍上塞創黌舍輯四庫之富廣

三閣之儲開特科以譽髦䟽選途以振滯修羣籍正音譯譜全詩使入樂新十鼓以存真右文之治也實軍伍習獮狩開屯政褒勲績震聲日景旁薄無垠軍旅之治也西北諸部王公台吉伯克東至使犬諾羅南暨海外暹羅琉球微若土司社目咸得覲

清光庇仁寓綏懷之治也爾雅又以渥為又渥同於汨舜釐下土作汨作禹決汨九川說文汨治水也然

則增高堰五壩建淮徐石隄開陶莊立清口水誌
以治河隄石鱗比重障實薪以治海別淤蓄清以
治澗塘埵插櫃之工時罔不舉皆又也書言濬哲
言知人則哲能官人我

皇上知幾其神凜微彰之介辨遲速之宜慎盈虛消息
之機知天也不逆不億而先覺知人也知

天之必可信而西師集勲知時之必可乘而金川底定知
土爾扈特之來降不可不恤而四衛拉特以全知

交趾之內訌由

天意而班師之

旨早降於封冊之時知巴勒布之擾蕃必有欺抑而輸
誠之表即達於偏師壓境之日官吏之誠偽閭閻
之利弊訟獄之曲直雖遠萬里洞若觀火兼覽博
照瞻覩未形哲之濬也謀心也有熊氏并天下之
謀帝高陽淵而有謀放勳好謀能深我

皇上顯承

謨烈

詒燕萬年兼創業守成之難鑠犁庭掃閭之績裕保世
滋大之略守衣冠騎射之謨咫尺八紘括囊四海
藏則洗心動猶運掌凜

天命故先天弗違自天佑吉也斷先幾故動罔不臧赴機
應會也慎永圖故濬發一時豐雍奕禩也恤衆勞
故事必有成民不及知也告功勒銘紀事之

文方畧紀略之書可得而詳也事無不通者聖也

皇上執中立極稽古集成涉三皇之登闕軼五帝之淵

穆

睿周萬品思暢精微

天縱神授乃文乃武

詩四五萬篇

文千有餘首色舉經史格物博聞

古稀以後猶歲獮木蘭馳駿疊雙貫鹿殪虎

乾健之體彰布昭之烈盛

聖之至也易曰聖人作而萬物覩是以覆載之內喁喁嚮風前

大慶之一月棧山軼漢浮琛梯賈踰濟濟斐斐翼翼集於

避暑山莊者百千萬計若衛藏若蒙古回部哈薩克都爾伯特朝鮮南掌之屬圖職貢者舊已若臺灣生番阻鯨波之險九姓土司憑干闌之岨緬甸處六詔徼外山林毒霧之所蒸也歷代羈縻弗之及

也若安南自元明盛時撻伐招徠勢屈情見終不能使其王一入鎮南關今則交臂樹額鱗集蛾伏結轍象胥駢羅典屬且孟隕再奉金表屈鄰請封阮光平襲冠帶影孔翎祝

釐宿衛爰自七月初吉日

覲藩辟陪臣太蒙太平空同丹穴之宴設於一庭噉羊獨鹿每牛俞馬之幣棗於一室越候甸男邦采衛百工四方民大和會塗歌邑誦殷軫京師自

御園達于

宮禁咸壯忱獻悃請祝

聖人焉聖人執要四方來效克念之至也五疇備矣皇
極建矣故曰百穀用成又用明俊民用章家用平
康此福錫于天下而眚庶草木皆有殷昌繁廡之
徵也而我

皇上以時若屢豐為瑞以人和政平為慶方儲思醲化

參神

昊乾立極名和以福無方之外襲九竅重九勲道九紀

念茲在茲勒諸延喜彼軒帝之銘机唐堯之刻玉方茲

茂矣月正朔旦渙汗

大號使天下沐洪塗肴樂胥戴巍巍履植植敦龐淳固

壽於翼箕紹

盛錫宴則三千之叟接武焉

壽考作人則觀光之耄聯襁焉崇禮百年則期頤之楔

相望焉

題五福五代之堂因以

推恩海內則曾元繞鄰者二百餘家焉同居或十世焉
一乳或四男焉非

聖主勤勤懇懇鑠德布和嘉祥殊貺不召自至者歟徵
諸五事既如彼克永寅念又如此推

一人之福以錫億兆合億兆之壽以奉

一人自今伊始徵建極之福即徵無息之誠期應紹至
博厚高明又悠久也臣經術淺薄文辭舛陋不足

以道揚

盛美竊幸預恭纂

八旬萬壽盛典之列伏讀

御製記文欽懌罔已敬拜手稽首獻頌曰

上帝叙疇惟

皇侑福惟恭則壽惟恭作肅操之翼翼臨以穆穆釐整

天衢拊引綱目內自

搗宫外暨六服罔敢不祇敷爾心腹乃沛膏渥泥濩滲

漉天之降甘崇朝徧沐

皇之降澤下土率育時曰肅徵

乾乾黃屋

右肅徵

憲

天首出萬邦作又煦之春温就之日戴若保用康亮工其

代惟昔

古稀孜孜不逮日新又新

念釋斯在

宵旰者躬

乾惕於內光天之下窮海之塞噉曜風澁晞景暘昧會

其有極欽若

吳絳時曰又徵

治億萬載

右又徵

亶聰惟

皇亮章天哲淳耀耿光天鏡爰挈萬靈熙陽羣物區別
天視民視顯融章徹知天知人臨照明決如彼長

羸靡生不悅如彼日月靡幽不揭天為粵宛暄煥
以節

大智象園休有不烈時曰哲徵

向離昭哲

右哲徵

慮善以動自天稽謀可大可久訐謨遠猷下詒萬
禊旁運九州沉幾淵若斷乃霆侔萬里決勝乙宵

運籌

大勳九集巍巍罔儔成物于天冬藏秋犖成務于

聖莫知使由動罔不臧萬福來求時曰謀徵大同叶麻

右謀徵

生民未有作覩惟

聖

皇昔五旬太蒙拓負

皇昔六旬衛拉歸命亦越

七旬法王讚慶

壽祺晉八益懋勤敬朱戡越裳親受獻令白狼獯薄封

爵來請典屬千百輯瑞頌政四方風動六氣通正

時曰

聖徵

億齡鼎盛

右聖徵

萬壽頌三十三章

謹序

原任詹事府少詹事

臣

錢大昕

臣聞龍圖呈錄萬年衍泰策之祥麟紱開爻八位

垂乾行之健天數地數有合而大衍適成律生呂

生相隔而元音自振苞符演箕牙紐增年欽惟我
皇上五福申祺

八旬演慶川修嶽效際

五十五載之重熙日升月恒協萬國萬民之臚頌昔

古稀早屆顓開

七袞之壽編乃

大德彌謙却受千秋之寶鑑閱十年之

景運慶八月之

昌辰上章為庶歲曜降西崑之瑞留熟于酉壽星明
南極之躔始乃

俯鑒羣情

俞其共稱慶典元正初益

綸誥先頒王會大同集共球于五國正供普免開版籍
于兆民酬鵲序之宣勞

紫泥載賁啓鵬霄而造士藥榜重懸展幣陳牲明虔
嶽瀆頒金賚粟

錫福期頤共欣

聖壽之鴻厯羣沐

天恩之滲漉臣舊依詞館得窺

秘書侍

講渥之尊嚴効

內庭之趨走自蒙

恩假長荷

慈麻幸遭普慶之亨期仰瞻

雲日敬就

延洪之懋叙進祝華嵩唐哉皇哉美矣尚矣謹拜手稽

首獻頌三十章其詞曰

蒼昊嘉貺壽為初祐箕衍箕疇錫福惟五

皇帝合撰順紀協序惟億萬年長滋

壽宇

右一章

圓壇兆陽

方澤答陰春

祈夏

雩必肅必欽視版執玉昭格以心

日強莊敬穆穆監臨

右二章

簋簠馨香用定祭器

祭壇享宗中祀周備

右壇加玉庇蔭農事圭邸璧羨為穀表瑞

右三章

大清開基締構維艱戎衣受

命薩爾許山服色敬守騎射必嫻

書事勒碑垂諸宇寰

右四章

聖祖逮事紀

恩獨隆曰牡丹臺萬壑松風纒此丕基早在幼沖日

誦

寶錄羹牆慕崇

右五章

五福名堂亦承

祖志

五代曾元古今嘉瑞垂裕後昆雲仍錫類

玉牒天潢福壽復備

右六章

勤於庶政宵旰必覆無逸作所不息自強

經筵

耕藉歲舉有常惟天行健復旦重光

右七章

丹毫批奏相時威賞

引對末吏因材勵獎風雨露雷

恩兼教養大公至正

天日共仰

右八章

南巡六舉

闡記宜遲河洛拯民臺懷受釐淀流順軌

翠輦時移羣黎被澤補助兼施

右九章

長白混同肇基王迹周室居岐寧王上畢

法駕四巡

惇宗布澤

著賦

歌詩垂諸寶冊

右十章

歲之二月東登岱宗望祀山川不禪不封更

幸闕里儒術攸崇監於百代聖人所從

右十一章

橋門壁池法古肇造

臨雍講學香流芹藻石鼓

親排戟門鴻寶會萃時合宗儒重道

右十二章

昇平人瑞千叟開筵老更

著說左氏真詮期頤耄耋奚啻三千共祝

八旬

天子萬年

右十三章

四蠲正供再免漕庾億兆京垓

德洋恩溥百有餘年萬萬編戶民用益饒是賴助補

右

十四章

偏邑偶歎卽厘

宸衷加賑截漕民食皆充文筆

親製禱雨告風

念此八徵萬邦屢豐

右十五章

河海鉅工帑發億萬

親臨指示石塘重建潮順浙壘瀾安淮堰水誌既定清

黃莫溷

右十六章

關門四達

恩闡六開計偕大選及時用材承德安西抱經賁來天

下文明

大化所培

右十七章

大樂之原

聖心神契三百篇詩宮商次第笙詩從毛抑戒宗衛凡

諸樂章咸歸

睿製

右十八章

睿哲天縱

道統德元

文富千篇

詩億萬言經緯天人萬派共源

典學之勤邁迹義軒

右十九章

秘文遺籍積卷數萬四庫既分七閣斯建弁言煌煌多邀

宸翰

聖世右文千古獨冠

右二十章

文治既隆

武功用彰秋獵冬嬉習勞乃強木蘭周陟肅肅圍場柔

遠威衆絕塞來王

右二十一章

準噶爾部聲教自絕因勢帖馴偵時肆突我武維

揚摧巢掃穴拓土開疆

承

謨

繼

烈

右二十二章

兩和卓木偕

思襲狂擒渠獻俘師貞再行巍巍成功信

天者昌

開惑一論煥乎文章

右二十三章

惟兩金川同彼狼狽擾諸土司蠶食為害

決策命征摧碉焚寨渠魁就俘屯其疆界

右二十四章

海外有截移師平臺交南受

封瀛藩員來抒誠效順

天意所開

德感咸畏銅柱巍巍

右二十五章

金齒木邦厥為孟緬及巴勒布貢使並遣南掌馴

象西衛經卷王會勒圖猗歟

盛典

右二十六章

七旬洪祚璽刻

古稀

念用八徵益飭

萬幾嚮用五福

敷錫九圍

聖人先

天而

天弗違

右二十七章

歲協庚庚壽星之次萬國祝

釐籲請再四

俯俞悃誠華靡戒吏

渥恩覃敷嘉符表瑞

右二十八章

九重闔闔萬國梯航衢歌擊壤庶悅且康月盈三五多

寶輪光

曼壽洪禧

無量無疆

右二十九章

萬八千朔三皇二九我

皇受福

昊眷孔厚法

天健行悠遠徵久福祿來崇

萬萬年壽

右三十章

萬壽恭擬羣臣賀表

太僕寺少卿臣弋源

伏以

瑞啓璇圖八伯爰歌復旦

運符蒼籙三皇之世皆春

萬禩乘乾得位得祿得名得壽

六龍御宇乃聖乃神乃武乃文樂清晏者九州普天擊

壤執玉帛者萬國率土瞻雲

日升月恒卜

一人之有慶礎綿椒衍欣

五代之同堂

十年越古稀之期長庚肇歲

八月叶大橫之吉南呂調音蠕動翹飛庶類均徵咸若

嶽輸淵效山川亦獻貞符薄海熙春敷天效祝

臣

等

誠歡誠抃稽首頓首上言竊惟聖君受命必錫

祉於永康仁主當陽每化成於久道考金天之踐

祚臨御八十有四年即伊耆之承祧得齡一百十

八歲耄期不倦廣開四目四聰統緒長膺用奏九
歌九叙萬年來賀受祐斯隆三壽作朋錫純益固
太古而降未之聞六帝之中差可錄顧守成非易
或徂於長治久安創業維艱未臻乎禮明樂備介
繁釐而祝嘏綴多中外臣鄰向德化而抒誠莫遍
梯航貢享未有庶徵克念雨暘寒燠風時端拱無
為博厚高明悠久如

今日者也茲蓋伏遇

皇帝陛下

曦璘久照

疇載同符

奉三無私俾緝熙于純嘏

函九有夏用敷錫厥庶民躋一世於春臺

作覩慰雲從之望開八埏之

壽宇率俾徧日出之區

天地以生物為心雨露風霆莫非至教

聖人之大寶曰位刑賞舉錯共仰無偏歲紀上章恭屆
八旬萬壽候當少皞欣符五位十成中天懸麗日之輝

三辰告正河渚獻流星之瑞五老來遊

與時偕行昭昭可紀

至誠無息蕩蕩難名精求夜問夜之心

帝出乎震厯課雨占晴之念人本於寅禮重

三推百穀樂豐盈之慶賦成九等四番蠲維正之供而

乃

乙夜勤披酉陽編采書藏七閣彙百代之芸編史載貳
臣列千秋之寶鑑

五集數萬首盡敲金戛玉之音

疊韻每十全陋合璧聯珠之格中和樂音邕備鑄來

寧壽金鐘史籀字體屈盤重立辟雍石鼓而且照

朱纓之九曲壁水流清飛

翠蓋之三英園橋春靄寶圭璋於俊乂鶴在陰而鳳

在陽隆爵酌於老更兔有且而魚有藻敬迓

鑾輿星幸金門分鵠立之班肅看組甲雲屯玉關映龍
鱗之彩五材並用辰開河鼓之津七萃斯行戎整
新田之伍勾陳奕奕招搖靖昂畢之氛格澤煌煌
指顧捲櫬槍之迹借我俘恭我僕藩部肇定年班
德曰順威曰降屯田聿歸歲額西戎來享貢馬獻
玉以傾心蠻目輸誠銷兵鑄耒而利用屹豐碑於
絕域銘陋燕然藏勝纛於武成績高河朔增其式

廊

王道平則三階平惠此嘉師蒼生福即

一人福輯共球於萬國

聲靈被陽冰陰火之鄉舞干羽於兩階

政教通館海巢山而外河探星宿中原永慶乎安瀾工

築海壖澤國咸遵夫故道文運蒸騰日上榜揭三

元英竒矍鑠偕來宴開千叟程材銓部寒儒釋褐

登

朝擢秀甲科多士彈冠誌慶揚化光於藻黼

奮武揆文席上瑞於蘿圖

重熙累洽乃於正月元日

大沛絲綸遂令萬國九州齊生歡幸俯

允臣民之釐祝臚陳典禮於

昌期爵一級以

賜官僚歲二月而舉

巡狩誠通呼吸告諸天下名山大川學證心源觀於廟

堂車服禮器光流玉琯

泰運啓乎重暉采煥璿璣

瑞符昭於聚舍陽至八月而方壯

天本健行書紀

八表之初開

福真無量南球北漠奉書歸忠東鯨西鷁獻琛上

壽生民以來未嘗遇百王之盛何以加臣等幸值

昌辰得逢

茂典抒蟲測管窺之見莫贊一詞荷

天覆地載之仁惟呼

萬歲伏願

時幾丕勅

化育長參

乾以體元備太和而徵保合

皇惟敬德本攸好以協康寧鏡朗大圓之光

福智無盡燈燦文昌之彩珠月同輝從此德懷新編展

壽錄重重

蕃禧軼赫胥驪連而上抑且千度增紀聽衢歌處處
景祐遍京垓禔瀛之區矣臣等無任瞻

天仰

聖踴躍歡抃之至謹奉

表稱

賀以

聞

欽定四庫全書

八旬萬壽盛典

三

八旬萬壽盛典卷一百二

欽定四庫全書

八旬萬壽盛典第一百三

歌頌二十三

萬壽無疆詞六十首

恭集
句成
百萬
百壽字

御製詩

翰林院侍讀學士臣陸伯焜

天與壽因

德與壽

萬年康健福駢膺願將甲子週千億

壽錫寰區百廿增

重熙累洽萬年清

福壽駢臻箕介瀛閭里仁風世仁壽壽籌添擬海山盈
錫羨八旬開寶裘歛時五福協箕疇南山如

壽愜忱願恒此千春與萬秋

萬六春秋食履綿

位名祿壽德為全敷天

大慶今朝始願共薰風億萬年

介

壽還欣福似川冰輝萬里朗澄鮮
壽添南極應無算億

萬人增

億萬年

玉座稱觴壽菊黃

萬年為祝慶方長南山獻

壽方當面桂月光浮

萬壽觴

九州萬物同如意行樂

宮中例萬年一曲昇平萬民慶蟠桃果熟歲三千

壽域鴻禧誅蕩開稱觥曾獻

聖人來福凝東海增芝萼

萬壽昌哉更熾哉

惟無量

壽福無量無量壽希與佛同

行慶施恩舉次第萬方民物

照臨中

卜歲大橫祝實成光天萬物樂由庚

詔書寬大街金鳳

壽寓恩將遍九瀛

禮備太和萬邦會

大清萬載鞏

天禧一時上瑞蘿圖展玉醴椒芬

萬壽卮

菊泉益壽傳佳話萬樹恒春自在芳正是遠來近
悅候敷天

壽域慶方長

綏猷建極敬惟幼

景福如川御正饒壽酒介眉添鶴奠金甌萬禩九瀛朝
萬寓顯希福膝膝更看仁壽鏡宜人邇來四萬八
千歲稠疊欣增

壽算頻

對時育物

志惟勤實政惟期被萬民百歲熙和九州晏

壽徵福履自駢臻

柏酒擎來獻

壽觥欣逢萬寶慶西成橫雲壽嶠萬年壽不盡

萬齡祈祝誠

福並海山增寶帙

命鑄琬琰壽千春仁斯壽萬知惟樂此樂還期萬國均

山光萬壽迎春麗散作園林萬樹花
巷舞衢歌申
衆悃稱觴獻

壽自家家

皇清職貢萬方均

壽域宏開茂以新此慶古來應少見
九瀛萬物盡皆春
減賦蠲逋施次第莫如千萬與全蠲
更期

壽世多黃耆惟

曰保民欲萬年

十成紀歲五常并樂奏

彤墀萬舞呈虔肅祝年永期萬都知獻

壽座前擎

萬年枝是彤墀植

五代一堂

康健身起舞稱觴齊上

壽孫曾躬率綵衣彬

十一代綿瓜瓞永誠惟

萬壽祝康強瑤池桃實三千歲好是團圞獻

壽觴

鶴其性人壽其似

壽世頻開千叟筵延美重

麻
垂萬禩

大清國祚萬斯年

康強真是

壽無量佳話

天家貽萬春百九四家慶繁行便因敷錫萬方民

介

壽祥徵亞歲駢熙春

篤祐萬斯年杯因獻

壽圓浮玉派衍

天潢數萬千

壽為福先語可思南山為

壽獻新詩宜暘宜雨真如願萬廩千倉歲可期

益壽何須九轉丹萬方生計廟廊端
翁河察吏
諾民隱四海會同永晏瀾

六度

南巡慶典行禹工萬古仰平成
五絲延壽占遐算
萬壽增如大海并

大造無私澤被均萬民瞻就愛情真
諸峯獻
壽皆堪指靈壽聽教手握筠

壽民壽婦本恒披

保泰心猶

念在茲戶口歲增逾萬萬

壽增摩祚莫無涯

康強福壽誠誰並

宵旰山莊

勅萬幾新捧霞觴介眉壽灤灤瑞露湛金卮

舊藩新部扈相將番徼回城畢享王

萬壽字屏金匱匝萬方歡奉

萬年觴

萬民安實

一人福東澗南瀛許並陪玉帛萬方咸奉朔綺筵

壽介紫霞杯

寰瀛真見悅無疆都尉宜禾千萬箱萬里伊犁朝

北極屠蘇延

壽玉為觴

曼殊師利

壽無量萬億無央

錫兆民四海一家萬民子流沙今越海西濱

壽世休徵真是罕靖遐者定

萬年基萬年循例今年始壽酒翹歌福祿宜

兵洗金川永不波歡欣萬姓氣增和東皇善錫無

量壽祝

壽惟期

萬歲多

海疆耆定誠神速萬國春臺願美全際此繁滋
仁壽世養恬引欲溥垓埏

七聞鴻捷叨

天佑福壽如山自兆釐旗籍綠營維內外詰戎
家法萬年垂

如意惟徵獲十全朱波懷畏靖蠻邊迎

鑿祝

壽陪臣价誌電

國威萬里宣

祝

壽外藩兼內吏統惟

天眷

萬年承南交三百餘年國

萬壽稱觴合作朋

稽古右文惟是巫書蒐四庫足研摩鄴侯三萬卷誇富

願作壽添

曼壽多

辟雍新建因遵古

萬壽平明步輦移

壽世熙民宜賦咏無疆

萬壽永無期

江山介

壽慶如何靜對詩書趣更多

四集吟成三萬首

萬年永式省賡歌

恩科萬壽試京師春到人間萬物知

雅化育材欣

壽世

萬年有永祝如斯

智者樂兼

仁者壽八千秋祝

萬千秋太和訢合人心豫獻

壽都為海屋籌

敷天萬物資

仁育寰宇增年耄與倪億兆京垓莫終極岱宗

壽莫願同齊

天垂旗翼明徵壽訖合東皇萬福禔

曼壽益增

體益健如斯實願萬年斯

七旬登壽凡六帝萬六春秋且漫論名壽都緣

大德得

萬幾絜矩一心存

寶閣便成無量壽山圍萬壽倚如屏飛來德壽青

蓮朵

聖壽應增億萬齡

蓮花萬朵葉千萬

萬壽都添海屋籌枝暖萬年曦
萱姬綵屏延壽玉麟洲

穀登萬寶真成瑞亥字書年

壽世長壽德醇風耀閭里羣仙引進

萬年觴

萬歲千秋申慶疊介眉壽酒正思柔欣徵人壽樽浮柏

箇箇來添祝

壽壽

延壽戩禧輝吉語俯臨萬井樂亨衢六街三市誠

殷富仁壽鏡呈獻

壽圖

樂歲三元慶有餘壽山東障枕長渠

萬年祝願異如願有願山同

萬壽如

五福箕疇壽居首

萬年祝表念惟誠重增綺甲普增歲於萬斯年未覺盈

壽同松柏映瑤階獻

壽欣當風物佳嘉夜寶燈輝

萬壽

大清萬載萬民諧

五福中天綿萬福萬斯年例始斯今普天億兆人

同願

壽獻岡陵酒滿斟

端識

福綿

壽益綿

天恩

國慶萬春延稱觴共上南山

壽更祝如斯億萬年

萬壽恭擬久徵頌九章

謹序

國子監祭酒臣韋謙恒

臣聞壽以政年則順時敷治為本福在養人則宜
民利物為先粵稽太古神靈三代聖哲紹天闡繹
以康四海徃徃單厚多益祐篤慶駢若夫政積久
而彌隆化積久而彌浹恩覃澤滂景照醴飲成天

下之疊疊而熙洽錡轄福應總萃闡以來來自
今以始蓋千萬世而一遇也洪惟我

皇上大鈞斟化

健運持樞

箕疇脩五福之堂

軒紀啟八旬之筭中外臣庶藩服長隸饗鼓軒舞虔祝
萬萬年甚盛典也至於

凝福多壽所由來泯泯含生飫見飽聞詎能彈舉然大

經大法有尤顯著者焉

敬法

大

祖惟時惟幾凡計闕民生

籌厥安全洪纖周具

敝立制度禮樂醇備

文思巍煥

武功顯鐸幅幘拓於無外柔徠徧乎陬澁蒸蒸然日新

月盛恒久而不已盛乎哉時和歲豐戶封駟給
怡昇平而康第祿洵為邳治極軌迺

皇上保泰乘乾敬寅滋懋

鑄璽曰八徵耄念之寶繫以

記文昭示萬禩

臣

尋繹悅服伏思徵者由天而驗之人

也五事修則類應焉中庸曰不息則久久則徵久

積於中徵驗於外其義與洪範相發明

皇上福由德致

仁為壽符充積五十五年之久由是以推

福我烝黎閱億萬年無有紀極至誠不息之久徵於是

乎益信

臣叨蒙

聖恩屢邀

拔擢職司成均欣際

壽愷洪延偕鼓篋多士涵泳

聖涯沫浴

醲化自揆禱昧不足以稱述萬一惟舉歡騰喜洽之實

徵臚為久徵頌九章恭呈

睿覽臣昌任欽戴忻抃之至謹拜手稽首而獻頌曰
聖德如

天旦明祇寅崇

三大祀

志鞏儀彬

圓壇

躬陟牲玉虔陳

天眷

聖德壽世

壽身燭調甌固雨暘普均美利不言萬吉維新

帝心祈嚮孚通翕臻

敬信之徵

保右命申 其一

大清緝熙

五朝燕翼

寶訓

寶錄有典有則

國書國語騎射冠服叶

吳命重申不忘不忒

留都

四莅覲揚

開國仰惟

鴻佑雲初千億振振繩繩如幾如式

繼述之徵丕顯

世德其二

勤政

書殿無逸

書屏

萬幾宵旰疇咨在廷

彤扉務理

仙莊蹕停憲平吏察萬里戶庭彌塞歲舉省方疊經

金隄靈瀆石礪滄溟均禧六幕協氣三靈

劬勤之徵以清以寧

其三

堪堪群生以食為天

惠鮮懷保藏富田廛再免艘粟四免丁錢戶帖逋豁庾
帑賑蠲卹商惠工厥利同焉

鴻禧之宇樂我康年歌衢擊壤生齒溢編百齡五世瑞

叠祥駢

惠孚之徵暢沂垓埏

其四

事必待時

制度斯啟圖稽品式器詳籩簋周范兩設周鼓重擬璧
水淵然黃瓦仰止罇鐘特磬譜復宮徵詩三百篇
洋洋盈耳俎豆庠序徧於邊壘

制作之徵大同倫軌

其五

天亶徇齊典學敏求經論宣蘊史評闡幽

鴻篇三緝

藻什五哀經緯盖輿載道宣猷典冊具纂善本廣流四

庫淵積

七閣芸抽士讀中秘古汲綆修

文治之徵雅化旁周

其六

勇錫武揚奠勝

宸表金川兩捷

德威暢崇

定準鳴爾遠收筠沖闢二萬里古所未通臺瀛氛殄潢

池穴空

天戈所指九奏武功鱗集嚮化麋至朔風

耆武之徵四海會同

其七

慶基孔固祥凝祚蕃

綸賁十行典臚八門

昌枝五葉舞絳獻罇億兆葵舒遠逮漠崑瀛嶂梯航
有南交藩請襲衣冠曰親曰尊

凝翕萬福彌裕其源

福嘏之徵淪浹厚坤

其八

禹疇箕演

帝念貞符來叙時若導和昭蘇庶徵歲省億萬數逾是

謂久徵

至誠之孚徵則悠遠用鞏

錄圖

高明博厚與疇載俱芸生熙皞液滋醲劑

聖壽之徵

歛福錫敷 其九

萬壽恭集詩經句三十章 謹序

通政司叅議 臣馮應榴

皇帝御宇五十五年歲庚戌秋八月

聖壽躋八旬懿燦隆軌從古未有

德施

恩溥紀述靡殫海宇內外臣士庶民罔不舞巷歌衢頌
揚

盛典以抒歡忭慶祝之私臣惟古之言純嘏祝壽耆者

惟詩經為多所謂言之不足故永歌之永歌之不
足不知手之舞之足之蹈之也我

皇上聖德至治既超軼三代

幾餘典學發為

天藻

御製詩文諸集炳炳焉與雅頌同昭又嘗

御書詩經全部藏於

內府蓋

宸翰之含咀於三百篇者深也 臣不揣樛昧敬就螽管
之見集詩經句三十章以獻

天作高山東方自出長發其祥夙夜基

命宥密維

清緝熙

三后在天

紹

庭上下於萬斯年

本朝發祥長白
皇上續紹丕基

萬年鞏固

累洽重熙

基命章

第一

民之

父母

昊天其子之必恭敬止

天難忱斯永言配

命休有烈光昭假遲遲降福穰穰

敬天

章第二

苾芬

孝祀

敬恭明神匪

我言耄弗

躬弗

親

皇上壽躋八旬於壇大祀猶必

親詣行禮

郊濟濟踰踰

天子穆穆既右享之綏以多福

享禮章第三

天鑒在下求民之莫惠我無疆

天子是若不識不知或歌或号欲報之

德

萬壽攸酢

惠民章
第四

奄有九有幅員既長

敷政優優莫敢或違

訏謨定命日就月將明發不寐曰求厥

章

實錄 皇上每旦恭閱
勤政章第五

實畝實籍歲取十千

思斯勤斯舍旃舍旃

特恩普免天下正
賦四次七省漕糧二次

以綏四方

四方有羨婦子寧止言笑晏晏

蠲賦章
第六

祈年孔夙以社以方以祈甘雨農夫之慶嗟我農人稼

稽維寶自

天降康實堅實好

佳歲章
第七

雞棲于埘亦既抱子取譬不遠民亦勞止

羊繪御

雞待飼圖

頌賜

中外臣工勗以保赤

百辟卿士

天子是毗

誨爾諄諄嚮子之閔斯

飭吏章
第八

辭之輯矣為

章于天

頌發詩四集宸章已

令聞不已四方于宣

秉文之德學有緝熙于光明服之無斃示我周行

天章

章第

九

思皇多士克廣

德心允文允武有壬有林遐不作人以任

天子瞻言百里亦云可使

者七次復屢于會試後

特詔開鄉會
思科

下第舉人其一等者皆
膺民社 作人章第十

烝我髦士古訓是式獻于公所其麗不億

文淵等
七閣藏

書各二十
餘萬冊

受言藏之有覺其楹矢其

文德展也大成

藏書章
第十一

瞻彼溥原麋鹿麋麋維熊維羆有貓有虎悉率左
右我馬既同永

錫難老載

績武功

習武章
第十二

來遊來歌匪居匪康星言夙

駕網紀四方

登是南邦及河喬嶽

湛湛露斯既優既渥

車第十三 巡幸

瀏其清矣淮水湯湯就其深矣河水洋洋

念彼不蹟修之平之朝宗于海不日成之

河防章第十四

以薪以蒸萑葦泝泝至于海邦不瑕有害漸漸之

石築之登登其比如櫛以莫不增

浙省海塘特命築石以資

鞏固海塘

章第十五

薄伐西戎自彼氐羌實墉實壑外大國是疆于彼

原隰徹田為糧式遏寇虐正域彼四方

西域章
第十六

無小無大如蠻如髦為鬼為域載號載呶

王赫斯怒左右陳行仍執醜虜用遏蠻方

金川章
第十七

民之回遁方茂爾惡有嚴

天子用戒戎作如火烈烈執訊連連無思不服其心塞

淵

平回章
第十八

民之罔極在水一方蝨賊蝨疾如蝮如蟾

六師及之一月三捷既伏其辜海外有截

臺灣章
第十八

自西徂東奄受北國式是南邦四方之極柔遠能

邇

申錫無疆赫赫業業莫敢不來王

柔遠章
第二十

价人維藩居

國南方

天子萬壽入覲于

王

王親命之衮衣繡裳南土是保為龍為光

安南章第
二十一

於樂辟雍薄采其藻適觀厥成小子有造于以奠
之孔惠孔時

昭茲來許各敬爾儀

辟雍章第
二十二

呦呦鹿鳴肅肅兔置樂既和奏亦孔之嘉抑抑威
儀芘芘棫樸以雅以南以似以續

定制文武鄉會
試晏歌鹿鳴棫

樸干城

經筵宴歌抑戒
正樂章第二十三

坎其擊鼓白石鑿鑿駕言行狩先民有作有倫有

脊秩秩

德音追琢其章始者不如

今石鼓章第
二十四

人亦有言涇以渭濁周爰

咨詢

我言維服覩其流泉下土之式

聖人莫之鮮不為則

皇上於河淮濟源武列涇渭
諸水皆有考正
咨詢章第二

五十

黃髮台背其會如林

孔燕愷弟和樂且湛或獻或酢為酒為醴以介

景福以洽百禮

宴叟章第
二十六

受

天百祿綏我

眉壽自古在昔莫予云覲允也

天子如松柏之茂

萬有千歲靡屆靡究

古稀章
第二十七

民莫不穀勉勉我

王維其時矣庠曰式臧

御製八徵耄念之寶記以念庶徵即所以念萬

民體勤政孜孜不息時若昭庶

天愛民誠心亦既聿

耄旅力方剛溫恭朝夕以

念

亨

蒼

徵
第二十八 念章

螽斯羽麟之趾克昌厥後既多受祉莫莫葛藟綿

綿瓜瓞

本支百世子孫千億

昌後章第二十九

聖敬日躋思皇多祜溥天之下式歌且舞四方來賀則
篤其慶大小稽首

萬壽無疆

第三十 聖壽

萬壽恭擬栢梁體一百六十韻 謹序

光祿寺少卿臣 阿肅

臣聞宥密基命莫崇於德神靈甄貺莫厚於壽故
惇德之朝不陳瑞應而縣算即其至瑞延洪曼羨
川至日增懿乎詎猶是尋常景星卿雲洛符河寶

之偶示庶徵而已欽惟我

皇上御極五十有五年

乾行益健

聖敬彌躋

綏履茂嵩

睿神純固膺

泰元之增筭運悠久以無疆自開闢來珍貺靈符竒祥盛
瑞靡有逾于斯者矧夫偕一世之民胥躋仁壽之

世數寓縣以逮蕃服耆黎壽考逾期頤者系于見
曾元者系百其享大耋履耄替比屋皆是禕矣哉
一人錫祉萬域均禧雖宓犧氏之民侗然自得以獲永
年陶唐氏之民職職植植號稱難老尚未臻茲盛
也又况

壽寓洪開八紘輻輳至麟集依我樂郊

皇上式廓帡幪遍涵濡而苞蒞之盖體覆載之大德以
為德溥覆載之大功以為功即綜覆載之大壽以

為壽浩浩乎巨元會而縣鞏而所謂安如磐石壽
如箕翼更無庸贊頌也已臣倬值

內庭夙與賡揚之末欣抒德音之誠敬成栢梁體詩
一百六十韻言雖不文聊自托於負暄獻芹之義
其詞曰

天眷

皇清界八維奕葉

聖

聖昌重熙我

皇纘緒光慶基卓蹤冠德軒昊羲

法宮高拱衣裳垂上式乾穹下坤儀照以日月三無私

惟

天祚

聖錫蕃釐祥符顯慶鍾

壽祺惟

聖法

天懋緝熙健行一氣日萬幾五十五載垂于斯龐洪闔澤
漸瀛裨下及跂喙蠖而飛泳遊醲化舍甘滋上章
之榦奄茂支六合和會際

昌期顛行

慶典申忻懽

帝曰俞哉衆所祈予茲與爾均祥禧孟陬之月貞攝提
九天誅蕩開閭扉煌煌

丹詔宣綸絲露膏湛渥瑀霄霏

元功溥博參神施九州則壤正賦規二千八百萬有奇
嘉爾亞旅力耘耔耕鑿順則無他岐普躅與衆同

豐綏

壽考作人髦士宜芄芄棫樸薪槱之沐浴
教澤逾芬非邇者

臨雍開

誦惟釋奠釋菜裏惟寅園橋聽覲從祁祁特科甲乙增
兩闡弧南斗北光陸離驛駟得路鴻漸達既登仕

版崇級資偶有瑕玷亦湔澌

推恩錫類封且貶

龍章螭篆蟠躩踞五花藻采紛葳蕤杖朝杖國崇耆耆
三千叟宴錯履綦綦壽莫往往踰期頤膠庠老宿龐
其眉毗黎恬養胥齒颯閨門貞壽傳蘭幃和氣所
泮咸歡怡一堂五代森孝慈少勤洗腆老會飴可
封之俗戶相比

頌以銀粟旌門楣

恩波普汎無一遺

柔化既洽

英聲蜚泚泚

武義遠邇彌威弧溯昔清西陲

皇耆其武張六師萬全之策發疇咨灼然

天斷決群疑

睿謨協吉卜與著露布曉出天戈麾捷書夜報軍郵馳
凱奏入塞聲涼伊沙磧繩橋平不崎亦粵金川性

詭隨自外

仁字怙而毗

天子有命將往治桓桓虎旅搜麇麋殲破柵及朝炊
攬摑掃蕩無險巖邊疆稂莠既翦剋二萬餘里歸
藩籬區畫經界如布碁雪山屯戍均畬菑撫制可
操三尺箠遠洗甲兵天漢涯壯士倒載包虎皮繪

圖

紫閣賞有差

駿功偉烈銘豐碑殊方慕義咸招攜康居烏秣族冒彫
重三譯語通盟伊故闕納賁闕軒輜西來天馬精
權奇葡萄芍醬盛以瓶九華七采間琉璃蕃樂色
色轟龜茲東耀扶桑西崦嵫南逾交趾古珠厓蛾
伏膜拜趨京畿六詔徼外國旄聲多羅之葉金表
齋赤嵌蕃種氓蚩蚩欣然受吏占祥颺遵王道路
由坦夷鴻臚典

觀班魚麗舌人賜饗醑醴配奇樂角觥觀且嬉襲我冠

帶樂逶迤猗歟盛哉古所稀

帝曰

昊蒼實相台宜以成功告

神祇夙整

龍駕雲駮駮

東巡泰山躋屈屣

齋宮蠲潔詣壇壝燔柴植璧虔牲犧

鑿輅重臨洙泗涓式瞻車服儼瑰琦正學昌明日月燦

省方問俗舊典籍視民如子拯溺飢寒防發帑數不貲
禹跡所至崩以胝九山既奠澤既陂春郊布穀和
鳴鷓鴣的的原隰安耕被嘉禾垂穎麥秀畦陌上懿
筐日遲遲民情纖悉咸周知玉衡稱量金壺釀淪
浹骨髓及膚肌薰風解阜

茂對時

琳瑯萬首

奎章題安安

文思如無為

亶聰典學樂不疲

睿裁親秉四庫披百川浩瀚文瀾漪定禮修樂詳鼎彝
諧聲依永授諸夔中和鐘磬合笙簧如聞大章聰
咸池天和出虛蒸菌芝元氣真洽人心脾八千之
秋少皞司金莖玉露斟天卮重輪復旦星雲輝

天潢五葉蕃金枝彬彬濟濟盈

彤墀千官待漏晨光燾魚龍百歲陳坳螭翹瞻

聖人天日姿拜手稽首前致詞我

皇洪筭與天齊

帝曰予惟日孜孜撫茲泰運益保持敬

天勤民

祖訓詒

拳拳宵旰錫琳琪

建極欽錫範闡箕無逸作所語佩姬庶徵之八

念在茲用答

鴻貺康熙黎仰承

祖武長繩其臣殷頌禱心傾葵天窺以管海測蠡栢梁之

體辭竊摛天保雅材敢企而長言敬作

堯衢詩



八旬萬壽盛典卷一百三